

贈靳寶童

蓬頭日用道心堅好伴高公作小仙外學應緣除四相內修活業保三田

忻州張同知見請未能卽應以詩答之

平遙暫別到平陽一箇身軀幾處忙常憾功虧無變化不能普照應諸方

乙未季秋至介休縣洪山明霞觀作

洪山佳景洞天幽下枕清巖瀑布流更上高原三四里興來閑步到泉頭

過汾州義常村靈源觀土堽宿

道藏輯要

葆光集

卷八 四集十

土洞彎跽可避乖寒冬打睡日高齋有時暴客專相訪更人深堽不出來

太原平陽兩路經遊迎送者無閒斷

兩路應緣春復秋來迎去送暫無休人心不讓汾陽水伴我西南直到頭

詠河津紫金山老君峯

我來親筆記行蹤四顧山河是要衝仙境清高名自古至今呼作老君峯

過河津士庶求詩

洪波三面北圍山中建津城禹稷間道過相邀連信速滿川香

火盡開顏

與西巖張閑話

莫問林泉莫問山清虛都在片心間若能常把人情遠遠盡人情便是閑

題新張村庵

身輕豈慮天涯遠性靜何愁地角賒京兆歸來當仲夏清庵快意日將斜

答楊漢卿

青霄有路果能攀要識真閑非等閑情性磨礱離四相調和真息透三關

道藏輯要

葆光集

三

胃集十

題馬谷觀音閣

馬谷來時正暮秋一溪雲水好程頭衆人不解予心樂飯罷從容獨上樓

儒士郭公以詩求安樂法

浩然一點要方圓直養無私滿大千變化往來三界外何愁耳順不延年

登前高山

地角天涯在目前前高堪作畫圖傳有人來問予名字無數松間一散仙

前高山得平遙眾官請書遂寄